



Prva optužnica u istoriji Tužilaštva BiH zbog robovlasništva

# Djevojku tjerao da na podu jede i spava

Iz ruku Abdija Osmanovića, zvanog Fehim, iz Živinica djevojku je spasao policajac koji ju je primijetio na ulici

**Dejan TOVILOVIC**

**SARAJEVO** - Abdija Osmanović, zvanog Fehim, iz Živinica, koji je prije pet mjeseci uhapšen zbog sumnje da je kupio robinju i tjerao je da prsi, optužen je za zasnivanje ropskog odnosa.

Tužilaštvo BiH optužnicu je objavilo juče i ovo je ujedno prva optužnica u istoriji ove pravosudne institucije kada je ovo krivično djelo u pitanju.

Na tretet mu je stavljeno da je tokom 2013. i 2014. godine, suprotno odredbama Evropske konvencije o ljudskim pravima, u ropskom odnosu držao oštećenu A.S., osobu sa blagom retardacijom.

"Nju je za novčanu nadoknadu preuzeo od svog brata,



Držao je zatvorenu u kući

nakon čega joj je ograničio svako kretanje, držao je zatvorenu u kući te je odvodio na različita mjesta na području Živinica i Bihaća i tjerao da za njega prsi i donosi mu novac", rečeno je u Tužilaštvu.

Sa druge strane, kako navode, Osmanović je svoju robinju višestruko zlostavljao na izuzetno surov način, a ukoliko nije bio zadovoljan iznosom novca koji je isprosila, surovo ju je tje-

lesno i psihički zlostavljao, što je ostavilo trajne fizičke povrede i posljedice po zdravlje oštećene.

"U više navrata držao ju je u uslovima nedostojnim za ljudsko biće, tjerao je da spava i jede na podu i zlostavljao na izuzetno teške načine, da bi joj u novembru 2014. godine na ulici prišao policajac, nakon čega je smještena u sigurnu kuću, gdje joj je pružena adekvatna njega i


zdravstvena zaštita", saopštili su iz Tužilaštva.

Inače, optužnica je prosljeđena Sudu BiH na potvrđivanje, a u planu je da tokom sudskog procesa bude pozvano i ispitano 17 svjedoka, među kojima i šest vještaka, a prikupljen je i priložen obiman dokazni materijal.

Podsjećamo, pripadnici Državne agencije za istrage i zaštitu (SIPA) Osmanovića su uhapsili 2. aprila ove godine na području Bihaća.

Inače, kako smo saznali, A.S. je punoljetna, a nekoliko posljednjih mjeseci robovala je i "radila" najviše na području Bihaća i Cazina, kao i na nekoliko drugih mjesta u Unsko-sanskom kantonu.

Njen robovlasnik je uvijek bio u njenoj neposrednoj blizini i gotovo nikada se nije odvajao od nje.



NIJE BIO ZADOVOLJAN NOVCEM KOJI JE ISPROSILA

NIJE BIO ZADOVOLJAN NOVCEM KOJI JE ISPROSILA